

# EMBASSY OF THE UNITED STATES OF AMERICA

## PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



## বাংলাদেশে যুক্তরাষ্ট্রের রাষ্ট্রদূত ড্যান মজীনা'র বক্তব্য

হাসিল উচ্চবিদ্যালয় বিজ্ঞান ক্লাব

ডেফুলিবাড়ি, জামালপুর

১৮ই জুলাই, ২০১২

মোঃ ইসলাম, চেয়ারম্যান, হাসিল উচ্চ বিদ্যালয়

নাসরিন সিদ্দিকা, প্রেসিডেন্ট, শিক্ষা ও সংস্কৃতি সোসাইটি এবং ২০১২ সালের যুক্তরাষ্ট্র পররাষ্ট্র দফতরের  
বার্ষিক অ্যালামনাই অনুদান প্রতিযোগিতার বিজয়ী

শিক্ষক-শিক্ষিকাগণ ও ক্ষুলের নেতৃত্বন্দ

এবং বিশেষ করে ছাত্রবৃন্দ, যারা বিজ্ঞান ও পরিবেশ সংরক্ষণের লক্ষ্যে আমার মতো উদ্দীপনা পোষণ  
করে।

সবাইকে শুভ অপরাহ্ন...

এটা দেখে আমি খুবই উৎসাহিত যে তরঙ্গরা বিজ্ঞান ও পরিবেশ সংরক্ষণের প্রতি এতেটা নিবেদিত...

...তারা নিবেদিত এই চমৎকার, সুন্দর দেশটির সংরক্ষণ এবং বিজ্ঞান ও প্রযুক্তির ব্যবহার দিয়ে এই  
জাতি ও বিশ্বের গুরুত্বপূর্ণ গণস্বাস্থ্য, অর্থনীতি ও সামাজিক সমস্যাগুলোর সমাধানের প্রতি।

আমি এ জাতির ৬৪টি জেলা সফরের অভিযানে যখন এই দেশের এদিক-সেদিক যাচ্ছি, তখন আমি  
বাংলাদেশের সৌন্দর্য ও বৈচিত্র্য দেখে অবাক হই... এই দেশের রয়েছে চোখ জুড়ানো সৌন্দর্য... সিলেটের চা  
বাগান থেকে শুরু করে...

...রাজশাহীর উর্বর সমতল ভূমি পর্যন্ত। ... আরো রয়েছে জামালপুরের চমৎকার দৃশ্য... পার্বত্য  
চট্টগ্রামের উঁচুনিচু পাহাড়ী সৌন্দর্য... কক্রবাজারের সৈকত... সব মিলিয়ে এই দেশ অসাধারণ সৌন্দর্যে ভরপুর।

তবে, বাংলাদেশের সৌন্দর্য ও এ জাতির পরিবেশ হ্রাসকির সম্মুখীন...

আপনারা এ সংশ্লিষ্ট চ্যালেঞ্জগুলো সম্বন্ধে অবহিত... বসতি এলাকাগুলো ধ্বংস, পানি ও বায়ুর দূষণ,  
পরিবেশের ওপর প্রভাবের তোয়াক্রা না করে অবাধ প্রবৃদ্ধি ও প্রায় সময়ই প্রাকৃতিক দুর্ঘটনার আক্রমণ।

আপনারা, তরঙ্গরা, আজ ও আগামীর নেতৃত্বন্দ, আপনারা কাঁধে চেপে বসছে ভারী বোঝা...

আর আপনাদের ওপরেই -- আগামী ও তারও পরবর্তী প্রজন্মের জন্য বাংলাদেশের প্রাকৃতিক  
সম্পদগুলোর সুরক্ষার দায়িত্ব আপনাদের ওপরেই আরোপিত হয়েছে।

এই দায়িত্ব কাঁধে নেয়ার দায়িত্ব পেয়ে আপনারা আসলেও সৌভাগ্যবান।

আপনাদের বন্ধুরা, আপনাদের সহকর্মীরা, এবং আপনাদের সঙ্গী ছাত্রবৃন্দ আপনাদের সঙ্গে রয়েছেন...

...তারাও সকলের জীবনমান উন্নয়নের জন্য অর্থনৈতিক প্রবৃদ্ধির প্রসারের পাশাপাশি এদেশ সংরক্ষণের জন্য সচেষ্ট ।

এখানে আমি বিশেষ করে মিজ সিদ্দিকার কথা উল্লেখ করতে চাই । ২০১২ সালের যুক্তরাষ্ট্র পররাষ্ট্র দফতরের বার্ষিক অ্যালামনাই অনুদান কর্মসূচির অধীনে বিশ্বব্যাপী প্রতিযোগিতায় তিনি বিজয়ী হয়েছেন । সেজন্য তাকে আমি ধন্যবাদ জানাতে চাই ।

দেশব্যাপী মাধ্যমিক উচ্চবিদ্যালয়গুলোতে যে ৩০টি বিজ্ঞান ও পরিবেশ ক্লাব রয়েছে এই অনুদান তাদেরকে একত্রিত হতে, নিজেদের মধ্যে ধ্যান-ধারণা বিনিময় করতে, বিশেষজ্ঞদের কাছ থেকে শিখতে এবং নিজেদের প্রকল্প প্রস্তাবনাগুলো নিয়ে প্রতিযোগিতা করতে সক্ষম করে তুলবে ।

তবে, এটা কেবল একটি সূচনা মাত্র ।

আমরা যেসব চ্যালেঞ্জগুলোর সম্মুখীন সেগুলো সমাধান করতে ও সামাল দিতে বাংলাদেশ ও বিশ্বব্যাপী আপনাদের মতো উৎসাহী ও নিবেদিত ছাত্রদের প্রয়োজন ।

আপনাদের মতো তরঙ্গ বাংলাদেশীরাই পরিবর্তন আনতে সক্ষম এবং তারা এসব পরিবর্তন বাস্তবায়নও করছেন ।

কয়েক সপ্তাহ আগে দুজন তরঙ্গ বাংলাদেশী দুর্বাইয়ে অনুষ্ঠিত যুক্তরাষ্ট্র পররাষ্ট্র দফতরের বিজ্ঞান ও প্রযুক্তির মাধ্যমে বৈশ্বিক উত্তোলনী প্রতিযোগিতায় বিজয়ী হয় । তাদের প্রকল্প ছিলো জুটিন নামক একটি স্থাপনা উপাদান যা পাট ও গাছের রজনের সমন্বয়ে সৃষ্টি আর যার ব্যবহারে টেকসই ও সাশ্রয়ী ঘরবাড়ি তৈরী করা সম্ভব ।

এটাই হলো বিজ্ঞান ও সামাজিক সচেতনতার সমন্বয় যা আজ আপনারা আপনাদের ক্যাম্পাসে প্রদর্শন করেছেন ।

আমি আপনাদের প্রচেষ্টার জন্য আপনাদের সাধুবাদ জানাই এবং সর্বদা বড় বড় স্বপ্ন দেখার প্রতি আপনাদের আহ্বান জানাই ।

আমেরিকা আপনাদের অংশীদার... নতুন বাংলাদেশ, মধ্য আয়ের বাংলাদেশ, সোনার বাংলাদেশ, আগামীর এশিয়ান টাইগার... বেঙ্গল টাইগার গড়ে তোলার জন্য বিজ্ঞান ও প্রযুক্তির ব্যবহারে আপনাদের সঙ্গে অংশীদারীতে কাজ করতে আমরা নিবেদিত ।

হাসিল উচ্চবিদ্যালয় ইতিমধ্যেই আমেরিকার শিক্ষক বিনিময় কর্মসূচি ও আমাদের অ্যালামনাই অনুদান কর্মসূচি থেকে সুবিধা ভোগ করছে বলে আমি আনন্দিত ।

অবশ্যই আমেরিকা বাংলাদেশের সহযোগী, আপনাদের সহযোগী... এখানে এই জামালপুরের ডেফুলিবাড়িতে... অবশ্যই আমেরিকা পুরো বাংলাদেশের সহযোগী ও অংশীদার ।

এই অত্যন্ত শিক্ষণীয় অপরাহ্নের জন্য আমি আপনাদের আবারো ধন্যবাদ জানাই.... আর একটি সোনার বাংলাদেশ গড়ার আপনাদের প্রচেষ্টায় আমি আপনাদের শুভেচ্ছা জানাই ।

=====

\* বক্তব্য জন্য প্রস্তুত